

楊家駱主編

中國近代史文獻彙編之一

捻軍文獻彙編一

楊家駱主編 中國近代史文獻彙編之一

拾軍文獻彙編 第一冊

(中國近代史文獻彙編所收各書本局另編輯綜合索引印行)

鼎文書局印行

捻軍文獻彙編第一冊目錄

第一部分 專著綜合

平捻篇·····	王闓運	一
求闕齋弟子記·····	王定安	二
淮軍平捻記·····	周世澄	二二
靈軍紀略·····	陳昌	三七
磨盾紀實·····	周盛傳	二五
兩淮戡亂記·····	張瑞璣	二八

附 錄

星烈日記彙要·····	方玉潤	五〇
鴻雪因緣圖記·····	麟慶	三三
荏邑吉懸·····	胡學醇	三七
斯未信齋文編·····	徐宗幹	三九
蔣子潛先生遺集·····	蔣湘南	三三

王文直公遺集

王東槐 三七

宦豫紀事

鄭元善 三〇

蒙難追筆

柳堂 三六

庸齋內外編

薛福成 三六

庸齋筆記

薛福成 三七

襄楚齋隨筆

劉聲木 三九

紙上談

李楊華 三七

鈴癡偶筆

王士元 三七

椒生隨筆

王之春 三六

金壺七墨

黃鈞宰 三七

蕉軒隨錄

方濬師 三六

夢園叢說

方濬師 三六

粟香隨筆

金武祥 三六

知非齋瑣記

杜松年 三一

遊梁瑣記

黃軒祖 三六

想當然耳

鄭鍾 三六

平定擒匪策	潘駿文	五三
勦擒十議	葛士達	五七
平擒善後議	葛士達	五九
擒匪芻議	黃恩彤	六六
平擒匪策	洪良品	七三
平擒準括	謝綬名	七四
林居芻議	王柏心	八〇
勦賊	謝壽楨	八三

平擒篇

(湘軍志卷十四)

王闖達

擒之爲寇，蓋始於山東。游民相聚，有拜幅，有拜擒，蓋始於康熙時。其後擒日益多，淮、徐之間因以一聚爲一擒，或曰其黨明火劫人，擒紙然脂，因謂之擒。莫知其本所由也。咸豐元年，廣西寇既開，朝廷尤重除盜。夏邑民士訴擒劫御史張澧翰，因發南陽盜劫事。有詔詰責河南巡撫，因並飭兩江、湖廣督撫摻緝，而壽州盜亦上聞。二年，李德巡撫山東，蘭山幅盜拒殺把總，其魁黨在徐、邳、嶧、費間。其時山東擒掠海州，安徽擒犯鹿邑、寧陵，而豐、沛、曹、單亦騷然矣。三年，安徽、江南省城俱陷，宿、蒙、亳、壽擒滋甚，始命提督善祿屯永城，滿盜，周天爵駐徐、宿鎮羣擒，工部左侍郎呂賢基治安徽團練桐城。盜有馬蹏千匹，開歸，擒分二十餘部。汝寧信陽擒攻正陽，復掠永城，殺桐柏知縣潘樹霖，圍攻夏邑、沈邱。河南巡撫陸應穀自汝寧走保省城。周天爵薨，袁甲三代之治軍，穎、亳復命舒興阿以陝甘總督領軍駐陳州。舒興阿移皖北，牛鑑代之，統於河南巡撫英桂。五年，袁甲三以遠例委調宿州牧得罪去，提督武隆額將兵屯亳州，總江蘇、河南、安徽三省戰守事。而擒首張樂行、李兆受之名亦稍有聞，清、淮防復急矣。張樂行起蒙、亳，犯歸德。以英桂代統武隆額軍。自是擒衆分五旗，率馳突徐、宿、曹、歸，防軍不能制。六年，增調江南軍將鄭魁士援宿州，仍以袁甲三助英桂，大徵西北兵。八月，甲三自永城進軍亳州，攻樂行於雉河集，擒趨潁州。皖、豫官軍夾屯，莫之禦也。十一月，擒復東走徐州，皆大掠而還。七年春，命勝保助英桂。擒圍固始，邳、郯盜復起。亳擒與袁甲三相持，南延崔邱、壽州，西北掠舞陽、葉、內鄉。擒復犯宜陽、嵩。英桂

赴禹、密、河南、燧火相望。洪寇部黨亦結捻合勢，分掠廬、巢。勝保、袁甲三會師正陽關，始議招撫李兆受，苗沛霖以滅捻患。而勝保北屯潁州，過歸德，陝西軍防武關。捻入商南，殺知縣施作霖。安徽捻陷霍山，犯和潁，東西幾二千里，皆蹂於捻。其冬，直隸開州、東明亦有捻游騎，滑、林、潁，俱被其患。八年春，寇捻合攻固始。六安捻久踞城，分黨出掠，雋出僇入，軍疲於應。其夏，收六安，捻皆東趨，南攻全椒，來安、滁、北、友、徐、宿、英、桂、病還，瑛榮代爲巡撫。勝保援臨淮，苗沛霖始用事。袁甲三進宿州，李兆受歸誠，迎勝保於清流關，淮南北事解嚴。於是仍授勝保欽差大臣，督軍廬州。秋，捻入山東，圍軍，攻金鄉。以總兵田在且提督史榮椿防曹、兗，增設歸德鎮總兵官，又遣總兵邱聯恩屯鹿邑，朱連泰出屯亳州，蓋河南尤弊於征戍云。商水、北周家口者，漸小潁河口，商驛道，捻大掠而去，其勢益張。九年春，勝保奏劾袁甲三持重失機，詔以總兵傅振邦代之，統於勝保，副以部統伊興額。二月，捻自西華趨舞陽，破官軍於北舞，邱聯恩戰死，伊興額悉軍西援，振邦等劾以齟齬，罷之。以協領關保督河南軍，抽天津海防軍，遣協領德楞額將屯曹州。夏，勝保移防盱眙。捻攻定遠，安徽巡撫翁同書退走壽州。冬，勝保以母喪歸，復命袁甲三代之。捻出歸德，自蘭儀渡河，犯定陶、東明，還潁州。於時諸將帥皆以回巢爲幸，勝保遣提，以內地爲盜賊巢自此始，其後直省皆引例焉。甲三至軍，克臨淮。十年春，改命勝保以都統督軍河南，關保副之。傅振邦督軍徐、宿，田在田副之；德楞額督軍山東，侍衛哈勒洪阿副之；袁甲三以欽差大臣專安徽，翁同書及副都統穆騰阿副之。正月，捻陷清江，殺淮海道吳葆晉，副將舒祥、漕督、河督等方置酒奏伎，倉卒走保淮安。言江蘇形便者，以襄下河爲膏腴，以王家營爲亢咽，至是人情大駭。詔令聯英、庚長官。捻復還走，而河南捻趨登、洛，山西、陝西均備邊。罷勝保，以府丞毛昶熙還河南，爲國練大臣，南汝光道員鄭元善副之，兵事總於巡

撫，屬於關保。各省團練始重。秋，海防罷，畿南盜賊蠭起，捻犯濟寧，乃命科爾沁郡王僧格林沁督軍捕討。捻縱橫於濟間，山東大亂，德楞額軍敗於嶧。冬，專遣道員聯捷防河，得專奏事。僧格林沁至濟寧，奏言：「捻衆繁多，其出掠，伺空處，避官兵，以焚掠脅俘良民，黨衆日增，馬步數萬，列隊百里，兵少賊多，衆寡懸殊。如欲攻其巢，則相距一二百里外，井墾地，裹糧攜水不能持久，退爲所逼，往往失利。十年以來未有能進軍接仗者也。臣軍萬二千人，請合傅振邦、德楞額二軍直攻老巢，蕩平醜類。」文宗手詔，以無後勁爲戒。十一月，捻屯鉅野。乘雪進攻之，乃敗還。關保以昏庸罷，河南軍事專於毛昶熙。徐州民士三奏請用伊興額，詔從所請。僧格林沁令諸州縣各築長圍以扞捻馬步。傅振邦病免，田在田代之。十一年正月，僧格林沁遣軍援荷澤，復敗還。詔責以勇往輕進，糧騰阿病免，總兵成明代之。捻自曹州趨鄆城，渡汶而掠泰安南北，伊興額及總兵滕家勝俱戰死。僧格林沁移屯汶上。捻遂圍青州。其時河南捻縱掠，連二十餘縣，西自南陽，南自汝寧，東界淮南界河，莫能定所鄉。巡撫嚴樹森以豫軍穴弱，思以湘軍法濟之，與毛昶熙不相中。山東民團亦相聚距殺官軍。捻西及浙川，張弔領陝西團練。勝保復出屯景州，將兵萬人，莘、范羣盜北侵大名，滕、嶧捻西掠。僧格林沁斂兵保鄆，山東巡撫譚廷襄出屯在平。捻陷曲周，掠威、東，陷清河，殺知縣陳大烈。苗沛霖陷壽州。宿州捻勢盛，徐、宿阻絕。僧格林沁遣詹啓綸募軍防清、淮。秋，捻分黨北趨，山東、河南省城皆乘城守望。德楞額免，袁甲三極論捻事，頗咎僧格林沁驕愎懈軍。捻掠登、萊諸縣，山東最富庶地也。僧格林沁方南下，沂、郯奏功，進爵親王，悉奏罷諸團練及防河大臣，委權督撫，以副都統邁克敦布代聯捷巡河，大順廣道王榕吉副之，勝保屯防京師。其冬，河北及鄆縣教黨次第撫定，命勝保移軍援穎，僧格林沁屯單。湘軍揚言進攻穎，於是羣捻頗多合洪寇部黨游弈襄、洛，不復專

劉勣。僧格林沁遂連破毫北諸莊圩。同治元年春，潁州解圍。夏，捻陷宣陽，殺知縣謝仁溥。西陷永寧，別自內鄉入商州，陷鎮安、孝義。固原提督孔廣順禦之。藍田寇捻合陷渭南，殺知縣曹士鶴。東陷華州，直走灇池，還敗河南軍。時廬州克，安徽事定，將軍多隆阿將廬州軍，勝保將潁州軍，俱入關。僧格林沁督山東、河南軍防直隸、山西，四省督撫提鎮將兵大員均受節制。湖北出軍助河南攻捻屯。多隆阿進兵荊子關，羣盜迸散，進滅南南捻。捻還奔，北走廬氏，南趨棗陽，陷隨州、京山、應山、湖北大震。復奏請多隆阿還軍。袁甲三請病，李續宜代之。續宜母喪，臨淮欽差大臣遂罷。冬，逮治勝保，多隆阿兼統其軍。降捻宋景詩權謀，請隸雷正綰，至邵陽叛，渡河走山西直隸，而張錫珠亦先以降捻叛於辛、冠。渡漳犯大名，入順廣道秦聚奎戰死。宋景詩者，故堂邑劇盜，欲還與張錫珠合，以八百人行腹地，幾二千里，所過無留行。山東巡撫譚廷襄、直隸總督文煜免，以閻敬銘、劉長佑代之；避克敦布免，副都統成保代之。山東教、幅、棍諸姦民連結起於兗東。二年正月，僧格林沁攻捻雉河集克之，禽斬張樂行、姜台凌等。二月，冠、辛捻復渡漳犯大名，署提督寶山、成保皆以畏葸免。僧格林沁移軍攻捻淄川、分馬隊，遣恆齡助防大名。漕督吳棠遣軍攻捻，沂、兗、亳、汝，捻並南趣麻城、蘄、黃。三月，苗沛霖復叛，羣捻益張。夏，淄川克，移攻鄒教黨於白蓮池，七月破平之。奏劾劉長佑誤軍機，致宋景詩不獲。景詩、張錫珠自去年冬陷武邑，還，南自臨漳，北走邯鄲，東掠廣平、曲周，北趣平鄉、鉅鹿、隆平、新河，斜東至武邑、東光，乃直南奔，從張秋渡河，官軍追者皆若狂。長佑以總督重臣將兵窮追之，曾不能相及；或卒相遇，輒爲所衝突。穆宗初卽位，朝議但嚴責諸軍捕討，以一窮寇疲敵，畿輔馬隊自此羸困焉。僧格林沁移軍蒙城，討苗沛霖。十月，沛霖死，臨淮平。捻首張總愚等西掠南陽、襄陽。三年，僧格林沁自歸德西追捻，南至隨州、應山；湖廣總督官文出督軍，會於京山。以

護軍統領舒保爲前鋒遇捻德安西搏戰大破之追奔入山谷間騎步不續捻回擊之力戰死舒保與多隆阿皆湖北名將多隆阿堅毅舒保純實湖北有事則驅之出無事奪其軍舒保口未嘗言功及其死諸軍奪氣戰事倚於僧軍而僧王左右橫恣求見者先納百金至四百金視領軍多少以爲差民有訴軍淫掠者王登額曰「若等離家來久且宜徙民避之」湖北民大失望六月江寧克洪寇平其餘黨合於捻九月攻黃安麻城至蘄水陣亡大將石清吉圍成大吉於蘄北僧格林沁軍麻城官文出黃州詔兩江總督曾國藩援湖北國藩奏言大帥三人屯駐四百里內恐羣盜輕朝廷請發軍從官文自駐安慶捻掠廣濟而還馬隊將常恩阿再敗僧格林沁退光山再退鄧州僧軍名望頓盡蓋其初轉戰追逐皆未嘗與洪寇合戰故恆以爲捻畏我至是捻勢異矣湘軍劉連捷淮軍將劉銘傳名將也詔令徵其軍僧格林沁以爲皆不能戰奏止之又曰皖軍爲上豫軍次之楚軍爲下毛昶熙聞之大喜所謂皖軍者蓋臨淮諸軍也捻犯南召魯山恆齡戰死捻西北走尉氏四年春僧格林沁追捻至尉氏捻西南走臨潁旁掠鄆城南走西平西南走遂平東南走汝寧南走正陽信陽折北直還扶溝東走睢渡故黃河北走曹東北走武金鄉濟寧汶上東平東走寧陽南掠兗州東走曲阜南走鄒滕東走鄆城嶧阻海還南走海州沈陽西走邳嶧北趨滕鄒還濟寧西北走鄆城渡河走濮北至范南屯曹州凡捻所至數日而僧格林沁至或一日再接戰輒有斬殺然莫能大創之朝議亦憂危命曾國藩北征四月丁亥詔下戊子僧格林沁親攻捻屯軍士疲怨以王用法嚴益懼且恨捻拒戰諸軍潰退中軍被圍保荒莊至夜無所得食僧格林沁率百餘騎潰圍捻依林外設伏待之短兵接馬被矛傷驚逸僧格林沁墮被八創死之朝廷震悼輟朝三日京師驚疑以爲捻且北犯急召曾國藩赴難羽書追督相望山東河南巡撫以陷王皆

獲嚴譴。五月，國藩奏言：流寇剽忽，宜以有定制無定。價格林沁能以數月歷五省，臣則不能也；非獨不能速援，且不能顧畿輔。故直隸宜有專防之軍，而臣軍以徐州爲老營，以經營淮、徐、海、兗、沂、曹、歸、陳、廬、鳳、潁、泗十三府州。此十三府州者，縱橫千里，捻匪出沒之區也。金陵楚軍裁撤殆盡，李鴻章所部稍習北軍，今惟劉銘傳、周盛波兩軍，尙須增募徐方之七，采買戰馬，加之訓練，扼賊黃河，又宜水師，爲謀迂緩，駭人聞聽。且臣之行軍，略師古法，逐日築壘，行必裹糧。日行率三四十里，此其萬難迅速者也。李鴻章謂之以爲人心惶駭，宜先安定。乃奏遣潘鼎新軍由海道至天津。比至，捻已休息南還。張總愚自城武趨永城、宿州，西攻新渦陽，圍英倫大營。渦陽者，故雉河集，張樂行舊屯也。總愚樂行族子，自羣捻破滅，遂爲盜魁，合陳玉成餘黨賴文光，謀復踞淮北。英翰輕騎出走，大徵諸軍。劉銘傳、周盛波及河南將宋慶、安徽將張得勝等赴援，史念祖自圍中應之。十月，捻解圍，分走，西犯陳州扶溝，其一北自通許、睢、考城、定陶、曹州至東明。山東軍十六營夾定陶南北而屯。國藩增調楊鼎勳軍，且檄潘鼎新軍移濟寧。其一南還新蔡，西踞唐、鄧間，攻南陽。九月，東明捻復自曹州東走城武、單、豐、國藩奏以劉銘傳屯周口，張樹聲屯徐州，劉松山屯臨淮，潘鼎新屯濟寧，兼飭河南軍屯鞏、洛，湖北屯隨、棗，以靜制動。唐、鄧捻掠寶豐、魯山，還長葛。豐捻還自虞城，圍睢、扶溝。官軍至，解去。國藩以攻捻皆尾追，今始得迎擊，更以張樹珊屯周口，使劉銘傳游擊，罷遣吉林馬隊，以休其勞。捻自扶溝分犯襄城、臨潁。十一月，東西背馳，東黨南趨汝寧，西黨南走唐、新野。十二月，汝寧捻犯光州，東掠固始，西掠信陽。成大吉屯麻城西南，部卒餉乏，燒營北應羣捻，大吉跳而免。捻遂入黃安，南至黃陂、黃州，西至孝感，所屯踞五百餘里，武昌戒嚴，劉銘傳赴援。五年正月，湖北軍將提督梁洪勝攻捻黃州，戰敗死。劉銘傳至黃陂，捻遽走，收其城。山東、河南民士習見僧王戰

者，皆怪曾國藩以督師大臣安居徐州，謗議盈路。二月，國藩移濟寧。新野擒復自輝陽，禹州至中牟，北犯曹州，東掠鉅野。黃陂擒自光州北至沈邱，周口屯軍出擊之，擒東鄉、潁州。鉅野擒北侵鄆城。三月，劉銘傳大破潁州，移軍赴定陶。起曾國岑爲湖北巡撫，汰湖北冗軍，增湘軍六千。鉅野擒南還城武，至睢寧、潁，北侵亳。以待講學士劉秉璋將軍助屯徐州，劉銘傳休軍濟寧。改秉璋及潘鼎新、楊鼎勳軍爲游兵，與直隸、山東畫地分防。四月，睢寧擒仍屯曹、徐界，亳州擒屯淮、泗間。五月，擒聚於徐西，分前後部，自虞城、太和俱掠陳州，攻周口屯軍，北至太康，皆西南走裕州，後部自上蔡、西平南走汝寧。七月，裕州擒攻南陽、新野，北掠南召、魯山，至汝州。增調鮑超軍越浙川防陝邊，郭松林自隨州出桐柏屯唐。曾國藩自濟寧舟行泗、淮中，沂渦至亳，案淮南北民圩，曉以順逆，凡閉砦拒擒者奏獎有差。建議自開封至潁州，依汴渠、潁水挑濬爲守。河南巡撫迂之，未措意也。八月，擒合趨中牟，破河南防境屯軍，復犯曹州。劉銘傳、潘鼎新軍要之鉅野北，大破之。九月，擒南走杞，東犯曹縣，西犯許州，自此有東擒西擒。東擒名者賴文光，西擒名者張總愚。國藩請疾，命李鴻章出駐徐州。十月，西擒自汝走宜陽，永寧入陝西商州，犯華陰。東擒走豐、沛，西還太康。十一月，詔曾國藩還本任，李鴻章代之督軍。國藩慚懼，三辭。東擒窺湖北邊，往來光、固、入麻城，趨孝感，陷應城、雲夢，遂攻德安。郭松林拒走之。劉銘傳至麻城，周盛波等至隨、鮑超還軍崇陽。十二月，郭松林追擒白口，深入中伏，擒生得之，以傷足委於道，逢舊部俘者負逃，以免。其弟芳鈐戰死。擒進攻安陸，西擒敗陝西湘軍於霸橋，肅德揚死之，諸軍皆潰，遂圍省城。張樹珊援德安，敗績死之。六年正月，命陝甘總督左宗棠督軍討西擒。是時湖廣總督官文坐事罷，其欽差大臣關防存武昌，宗棠自福建道漢口，因以授之。李鴻章奏言，漕督總清淮防軍，號令歧出，請悉聽欽臣調度。劉銘傳、鮑超合擊東擒。

於京山北。起失期，銘傳戰而敗。超背攻，銘傳收軍還應，超退走，超追奔，大破之。超久爲名將，而銘傳新貴與之儔，超固不樂。至是，銘傳咎超，李鴻章頗右銘傳，超既大捷，遂請疾解兵。朝旨五六慰勉，會國藩、李鴻章函牘相繼，超稱病篤，所部三十營，分別留散，自此無靈軍焉。二月，劉松山破西捻於西安，捻走渭北。東捻犯麻城、廣濟、黃梅。劉秉璋等自英山至太湖，捻西走蕪水。湖北新軍將彭毓橘者，方平江寧，有大功，聞捻至，自黃州進擊，輕騎覬寇，裨將提督羅朝雲、鄧泰福、王仕益、陳致祥、總兵彭光友、羅興祥皆從。或有諫毓橘宜持重，不聽。至漢潭度前岡，捻大至，遂前搏戰。捻鈔攻之，大軍初不知其退，捻又營官半出無繼，陷圍中，與別將道員葛承霖均戰死。曾國荃所用大將，唯毓橘與郭松林。松林前敗，創發告歸，及毓橘死，新軍盡燬。國荃初奏言，宜引捻入腹地，賊而殲之，其言不售，鬱鬱復病。三月，劉松山攻西捻於郿破之。左宗棠以湖北事亟，留屯德安。東捻復屯白口，東北出應山，周盛波等自北攻之，捻返走。總兵劉啓福見一騎被黃鞍，越澗追之。捻步從者矛中啓福額，負創馳逐益急，踰山七重，中槍死。俘者言，黃鞍者賴文光也。捻南走孝感，劉秉璋、楊鼎勳連戰不利。劉銘傳出黃安、黃陂，捻還白口，北走棗陽、新野。五月癸丑朔，犯唐縣，王戊遂及鉅野。李鴻章諸軍皆在南，山東屯軍倉卒潰走。捻自戴廟渡河，殺東阿知縣周毓南，踰運隄，燒防軍屯，收其軍實。自會國藩督師以來，運防未嘗潰，時議大喧。西捻西犯興平，東自富平合同黨北犯蒲城。東捻分掠寧陽、萊蕪。劉銘傳議登捻海隅，悉徵諸軍會青、萊、莒，驅捻入登萊。捻避山東軍，直東趨平度、萊陽，招遠、濰縣。鴻章乃議守膠、萊河。膠、萊河者，元末海運時所開海渠也，首尾通海幾三百里，用守兵五萬人，戰兵四萬人。徵直隸軍五千，浙江軍五千，湖北軍萬二千，替運防。鴻章以膠、萊渠北口沙善崩，謀築牆屬之濰水，欲盡發山東軍萬六千人分屯，巡撫丁寶楨不可，重違鴻章意，以七千人

與之。六月隄成，捻方掠福山、寧海西，趣三原、涇陽，官軍至，返走蒲城。七月，東捻返平度，循膠萊而北，突灘口，防軍潰。捻掠灘至昌樂，乃東南走安邱。鴻章之防渠也，排羣議，方朝命，尤與寶楨意見異。山東軍本防南頭，潘鼎新彊移之北，及敗，鼎新委罪王心安，詔斬以徇。寶楨爭之，騰章相詆，詔和解之，而切責鴻章。捻分犯沂水、莒州。鴻章復議運河防。八月，捻自莒犯日照，鋒楡、沭陽，西北走郯城。劉銘傳、潘鼎新要破之，返走海州，及破之；捻東走宿遷，北侵邳。漕督張之萬訟言皖軍將牛師韓、姚廣武郅城，官邊戰功，請增募馬步五千人。西捻渡涇，攻咸陽，游騎及醴泉、乾州。左宗棠駐西安督軍。李鴻章合見軍萬人，以郭松林爲統將，劉銘傳休軍於邳。九月，東捻犯鄆，丁寶楨自沂州繞曲阜進擊之。捻東北走新泰，遇潘鼎新軍，南走蒙陰。西捻東趣富平、蒲城、白水，北犯中部、洛川，迤及鄜州西。增遣提督高連陞屯三水，劉厚基屯延安，劉松山、郭寶昌臨捻北進。十月，捻圍甘泉，劉厚基戰不利。別部捻回攻耀州，劉典自宜君進同官，敗退。東捻自蒙陰北犯章邱，齊東阻河，南趨青州，東掠濰及安邱。劉銘傳襲之，捻走高密、諸城、日照、嶺榆。銘傳購捻黨狙擊其魁，首任柱殺之，捻遂大奔。西捻出延安，陷安塞、延川、綏德。十一月，東捻返走諸城，北至壽光。郭松林方自莒鄉灘卒相遇，捻出不意，大敗，走膠州。遂自高密直西走臨淄、新城，避官軍，返走壽光。郭松林自安邱出青州，復遇之。捻自起亂，未嘗頻戰，又新喪任柱，黨衆潰解，束手歸命者近萬人，餘千餘騎南奔流陽，悉爲安徽防運軍所俘。西捻南返宜川、嶺山至壺口，乘冰渡河，山西巡撫趙長齡委河防於按察使陳湜。湜聞捻在綏德，注意防護州；又自以爲無患，乃東至省城，離防所數百里，聞報愕眙。捻已陷吉州及鄉寧，湜馳至趙城，墮馬不能進。陝西巡撫喬松年劾湜專河防三年，糜餉巨萬，敢於要挾，及所部淫掠狀，山西士民亦怨長齡，俱得罪免。十二月，東捻首賴文光率殘黨突渡六塘，循淮安、寶應、

高郵南走，諸軍至者如風雨。文光知死，下檄揚州防將吳毓蘭，歷詆官軍將，而以毓蘭爲愈，使得己以爲功，乘夜投毓蘭營。軍中傳誦其僞檄，言至深痛，羣帥嚴禁祕其事，使毓蘭謬上捷，稱雨中陣俘之云。於是李鴻章自以大功成，請散軍籍兵，示將士不復行陣，而西捻已南走絳州，曲沃垣曲，殺垣曲知縣王國寶，東趣濟源，循河至原武。七年正月，捻直北犯，自新鄉趨順德至定州，京畿大駭。河南軍將張曜等方至湯陰，陝西軍將劉松山等先至清苑，李鴻章軍猶在徐。詔切責鴻章、李鶴年、左宗棠及直隸總督官文，均奪職。丁寶楨率軍先至河間，有詔嘉獎。京師五城圍防神機營發兵屯涿，易命恭親王巡防。捻至保定，知有備，西掠滿城、易州。禁軍誤以官軍爲捻騎，姑議設偵探焉。安徽巡撫英翰請率師入援。捻已南陷祁州，殺知州胡源。東陷饒陽，山東軍將王心安軍至，捻走安平，以捷聞。李鴻章軍將潘鼎新言於獻縣見山東敗軍，詔以左宗棠總前敵戰事，遣陳國瑞別募一軍爲特將，命恭親王節制左、李及諸督撫。二月，李鴻章至德州，捻游奔獻、深，官軍遙圍之。捻突郭寶昌軍敗之，因西走正定，未至，復掠深澤、安平、饒陽，東至獻，又西至晉，東北至肅寧，均礙於官軍，乃自趙趨鉅鹿。官軍既集，頗多掠商民居市。直隸民患之，相約格殺，日有狼鬪，戎服乘馬者十餘人，猶不敢輕行，枉殺者不可勝計。於是李鴻章復議驅寇太行，黃河間而李鶴年自奮請專任攻戰。三月，捻至濬、滑，西犯新鄉，循河至延津，破陝西軍於封邱，郭寶昌被兩創，提督周盈瑞戰死。捻北趨滑，敗李鴻章軍，提督陳振邦中矛死。捻自內黃走辛，越東昌、茌平、德州、吳橋、東光，四月至天津。詔英翰急赴東昌，恭親王奏飭諸帥，限一月平捻。捻東走嶺山、慶雲、海豐。潘鼎新復議守運。時漳、衛盛漲，引之減河，使捻不北窺，乃循運屬之河，通水師戰船至德州，與諸軍盡地而守。鴻臚少卿朱學勤奏召劉銘傳。銘傳平東捻後假歸，坐逗留奪官，因稱疾。鴻章招之不至，故假朝命強起之。

捻南走樂陵、德平、臨邑、禹城，還走滄州，復南掠平原、齊河。左宗棠至鹽山，以屯軍防可恃，西還吳橋。閏四月，增命都興阿爲欽差大臣，列名在左。李上侍郎崇厚副之，統張曜等軍。陳國瑞奉詔防陝西，不俟命徑領軍東行，請討捻自効，有兵萬二千，亦隸於都興阿。捻犯陵縣、吳橋，復南走恩，遂至在平。英翰奏皖軍不必合湘軍。左宗棠令劉松山休軍東光。捻還海豐，復西走樂陵、德平，率一人挾數馬，避兵疾行，折東至武定、陽信。李鴻章復建議自臨邑築營，扇之馬頰河。六月，捻走商河、濟陽，西犯臨邑、清平、博平。值大雨，徒駭河盛漲，官軍圍蹙之。捻不得復渡，部黨解散，歸死者數千人，張總赴水死，西捻平。七月辛酉，捷聞，賞諸將帥，而劉銘傳新至，收成功，封一等男。以龍神見於水師船中，增水助順，加封號焉。

